

ՄԵՍԽԵԹԻ ԹՈՒՐԷՐԻ ԿԱԶՄԱՎՈՐՈՒՄԸ ՍԱՄՑԽԵԻ ՈՒ ՋԱՎԱԽՔԻ ԺՈՂՈՎՐԴԱԳՐԱԿԱՆ ՀԱՐԺԻ ՀԱՄԱՊԱՏԿԵՐՈՒՄ

ԺԶ. դարի վերջից մինչև 1940-ական թթ. սկիզբը Սամցխեի եւ Ջավախքի տարածքում ընթացող ժողովրդագրական փոփոխությունների արդյունքում ձեւավորվեց այժմ մեսխեթցի թուրքեր անվամբ հայտնի էթնոկրոնական խումբը: 1944 թ. ԽՍՀՄ իշխանությունների կողմից նրանք բռնի վերաբնակեցվեցին Միջին Ասիայում, ինչն էլ, թերեւս, հանդիսացավ մեսխեթցի թուրքերի ինքնության ձեւավորման վերջնական փուլը: Նշված ժողովրդագրական փոփոխությունների շարժը մինչ այժմ մնում է թույլ ուսումնասիրված: Այս հարցի ուսումնասիրությունը կարելի է նշանակություն ունի նաեւ հայերիս համար, քանի որ Սամցխեի ու Ջավախքի տարածքում մեսխեթցի թուրքերի նախնիների հետ մեկտեղ ի սկզբանե բնակվել են նաեւ տեղաբնակ հայեր: Սույն հոդվածի խնդիրն է ուսումնասիրել նշված ժամանակահատվածում Սամցխեում եւ Ջավախքում բնակվող էթնիկ խմբերի եւ նրանց կրոնական կազմը, համակարգված ներկայացնել ժողովրդագրական փոփոխությունների պատկերը եւ պարզել դրա շարժը: Այդ նպատակով ուսումնասիրվել են ԺԶ. դարի վերջից մինչև 1939 թ. անցկացված մարդահամարների, վիճակագրական եւ այլ անուղղակի աղբյուրների հաղորդած տվյալները, բնակչության թվի եւ կազմի փոփոխության վերաբերյալ:

Սամցխեի ու Ջավախքի բնակչության թվի եւ էթնիկ կազմի մասին հաղորդող մեզ հասած ամենահին աղբյուրը «Գյուրջիստանի վիլայեթի մեծ գրանցամատյանն» է: Այն կազմվել է 1595 թ. օսմանյան իշխանությունների կողմից՝ Սամցխե-Սաաթաբագոն (Սամցխեի աթաբեկությունը) նվաճելուց հետո հարկահանության կազմակերպման նպատակով: Գրանցամատյանի տվյալները թույլ են տալիս պատկերացում կազմելու շրջանի բնակչության էթնիկ եւ կրոնական կազմի մասին գրանցված հարկատու ընտանիքների ավագների անունների հիման վրա: Այդ

տվյալների համաձայն՝ մահմեդական անուններով բնակիչների թիվն աննշան է, եւ գերակշռում են քրիստոնյաների անունները¹: Հարկ է նշել, որ գրանցամատյանում հիշատակված են նաեւ մեծ թվով հայկական անձնանուններ՝ Ավաքիս ձե² (Ավագ), Առաքելիս ձե, Վարդանիս ձե (նաեւ Վարթանիս ձե կամ Վարթանաս ձե), Կարապետիս ձե կամ Կարապետաս ձե, Միկիրտիչիս ձե կամ Միկիրտիչաս ձե (Մկրտիչ), Սարգիսիս ձե կամ Սարքիսիս ձե կամ Սարգիզաս ձե, Խաչատուրիս ձե կամ Խաչաթուրիս ձե եւ այլն³: Վերոնշյալը թույլ է տալիս պնդել, որ մինչ Սամցխեի աթաբեկության նվաճումը Օսմանյան կայսրության կողմից, այնտեղ բնակվում էին մեծ թվով հայեր:

Օսմանյան կայսրության տիրապետության շրջանում Ախալցխեի փաշայության բնակչության էթնիկ եւ կրոնական կազմն ամբողջությամբ արտացոլող փաստաթղթերի բացակայությունը թույլ չի տալիս հստակ պատկերացում կազմել ժողովրդագրական փոփոխությունների մասին: Այդ ժամանակաշրջանի մասին տեղեկությունները մեզ են հասել հիմնականում ճանապարհորդների եւ պատմիչների շնորհիվ: Օսմանյան ճանապարհորդ էվլիա Չելեբիի հաղորդմամբ՝ Ժէ. դարի կեսերին բնակիչները սուննի մահմեդականներ էին, բայց խոսում էին վրացերեն: Նա մեջբերում է մի շարք վրացերեն բառերի եւ արտահայտությունների օրինակներ⁴: Ժէ. դարի երկրորդ կեսին Ֆրանսիացի ճանապարհորդ Ժան Շարդենի հաղորդմամբ՝ շրջանում բնակվում էին ինչպես քրիստոնյաներ, այնպես էլ մահմեդականներ: Նա գրում է, որ Ախալցխեում բնակվում էին թուրքեր, հայեր, վրացիներ, հույներ եւ հրեաներ⁵: Վախուշտի Բագրատիոնիի տեղեկությունների համաձայն՝ ԺԸ. դարի սկզբին նույն գավառում փոքր թվով քրիստոնյաներ էին մնացել⁶: ԺԸ. դարի երկրորդ կեսին, սակայն, ճանապարհորդ Գյուլդենշտեդտի տեղեկությունների համաձայն՝ բնակիչները քրիստոնյա էին, նրանց միայն փոքր մասն էր

¹ *Տէս* А. С. ТВЕРИТИНОВА, Аграрный строй Османской империи XV–XVII вв., Документы и материалы, Москва, 1963, էջ 158–162:

² «Ձե» վերջավորությունը վրացերենում գրվում է արական սեռի ներկայացուցիչների հայրանուններից հետո:

³ *Տէս* გვარები სამცხე-ჯავახეთში, კოლაში, არტაანში, ტაოსა და ბორჯომის ხეობაში <http://www.geogen.ge/ge/treasure/ge/84/4304/> (18.12.2018):

⁴ *Տէս* Э. ЧЕЛЕБИ, Книга путешествия, Вып. 3, Москва, 1983, էջ 184, 188–190:

⁵ *Տէս* Ж. ШАРДЕН, Путешествие Шардена по Закавказью в 1672–1673 гг., Тифлис, 1902, էջ 160:

⁶ *Տէս* ՅԱՆՄԵՐԻ, აღწერა სამეფოსა საქართველოსა, ლომოური თ, ბერძენიშვილი ნ. (რედ.), სტალინის სახელობის თბილისის სახელმწიფო უნივერსიტეტის გამომცემლობა, თბილისი, 1941, էջ 123:

մահմեդականություն ընդունել, եւ խոստում էին ինչպես վրացերեն, այնպես էլ թաթարերեն (թուրքերեն)⁷:

Այսպիսով՝ նշված աղբյուրները Սամցխեի ու Ջավախքի բնակչության թվի, էթնիկ եւ կրոնական կազմի մասին հստակ տեղեկություններ չեն հաղորդում եւ նույնիսկ հակասում են միմյանց: Այնուամենայնիվ, այդ աղբյուրների հիման վրա կարող ենք եզրակացնել, որ Ժէ. դարի ընթացքում շրջանի բնակչության էթնիկ բազմազանությունը պահպանվում էր, սակայն փոխվում էր կրոնական պատկերը: Չի բացառվում, որ մինչ 1828 թ. ռուս-թուրքական պատերազմի ավարտը մահմեդականների թիվն ավելացել է ոչ միայն տեղի բնակչության մահմեդականացման, այլեւ շրջանում բնակություն հաստատած եկվոր թյուրքախոս խմբերի հաշվին: Այս է վկայում Ժամանակի ընթացքում բնակչության անցումը թուրքերենով հաղորդակցվելուն: Տրամաբանական կլինի ենթադրել, որ բնակչության թուրքերենին անցնելու գործընթացն եղել է երկլեզվության միջոցով, ինչը չէր կարող տեղի ունենալ առանց թուրքախոսների հետ անմիջական շփման: ԺԹ. դարի սկզբի հեղինակները նույնպես կարծում էին, որ տեղի է ունեցել թուրքերի ներգաղթ, եւ նրանց առանձնացնում էին այլ մահմեդականներից⁸: Տեղի թուրքախոս մահմեդականները եւս առանձնացնում էին իրենց այլ թյուրքախոս խմբերից եւ անվանում իրենց «յերլի»⁹, ինչը թուրքերենից թարգմանաբար նշանակում է տեղացի:

Ռուսական կայսրության շրջանի աղբյուրներում հիշատակված են նաեւ այլ թյուրքախոս մահմեդականների խմբեր, որոնք հայտնի էին «թերեքեմե», «թարաքամա» կամ «թարաքյամա» անվանումներով: Որոշ աղբյուրներում նրանցից առանձնացվում են կարափափախները¹⁰: Մերձավոր Արեւելքում թերեքեմեն քոչվոր կամ կիսաքոչվոր խմբերի հավաքական անվանում է: «Թերեքեմե» բառը ծագում է «թյուրք» բառի

⁷ *Տէս* И. А. Гильденштедт, Географическое и статистическое описание Грузии и Кавказа из путешествия г-на академика И. А. Гильденштедта через Россию по Кавказским горам в 1770, 71, 72 и 73 годах, Санкт-Петербург, 1809, էջ 162–163:

⁸ *Տէս* О. ЕВЕЦКИЙ, Статистическое описание Закавказского края, Санкт -Петербургъ, 1835, էջ 32, 179. *տէս նաեւ* А. П. ЗАГУРСКИЙ, Поездка в Ахалцихский уезд в 1872 г., Записки Кавказского отдела Императорского русского географического общества, кн. 8, Тифлис, 1873, էջ 5, 57:

⁹ *Տէս* О. РЕНТИКАЙНЕН, Т. TRIER, Between Intedration and Resettlement: The meskhetian Turks, European Centre for Minority Issues, ECMI Working Paper, 2004, № 21, էջ 9.

¹⁰ А. П. ЗАГУРСКИЙ, Этнологическая классификация кавказских народов (Приложение к Кавказскому календарю на 1888 г.), Тифлис, 1887, էջ 11.

արաբներեն հոգնակի ձևերից: «Կարափափախ» անվանումն, ամենայն հավանականությամբ, տվել են թուրքերը¹¹:

Ախալցխիսի թարաքամաների ծագման վերաբերյալ տարբեր կարծիքներ են արտահայտվել: Կարծիքներից մեկի համաձայն՝ նրանք տեղափոխվել են Բորչալուից եւ Ղազախից, ենթադրաբար, ԺԸ. դարի վերջում¹²: Մեկ այլ տեսակետի համաձայն՝ նրանք Կարսի շրջանից տեղափոխված թուրքմեններ էին¹³: Սակայն, հաշվի առնելով, որ ԺԹ. դարի հեղինակները թուրքմեններին առանձնացնում էին թարաքամաներից, առաջին վարկածն ավելի իրատեսական է թվում: Թարաքամաներն ու թուրքմենները ԺԹ. դարի կեսերին ներկայացվում էին հավաքական թաթար անվանումով, ինչը պայմանավորված էր թուրքախոս մահմեդականների՝ «յերլիների» եւ նրանց միջեւ լեզվական տարբերությունով¹⁴:

Քրդերի Սամցխե եւ Ջավախք ներթափանցելու ժամանակաշրջանի վերաբերյալ հստակ տեղեկությունները բացակայում են: Վրացական պատմագրության մեջ ընդունված է համարել, որ դա տեղի է ունեցել մինչեւ ԺԸ. դարի վերջերը: Ա. Խախանովն առանձնացնում էր քրդական երկու ցեղ՝ զիլանլի եւ իսմաիլանլի¹⁵: Վրացի պատմաբան Շ. Լոմսաձեն հիշատակում է ջունիկ եւ իսմաիլանլի խմբերը¹⁶:

1828–1829 թթ. ռուս-թուրքական պատերազմի արդյունքում՝ Ախալցխիսի փաշայության 10 սանջակներն անցան Ռուսական կայսրության տիրապետության տակ: Այդ սանջակների տարածքում կազմվեց Ախալցխիսի գավառը, որն էլ 1874 թ. բաժանվեց Ախալցխիսի եւ Ախալքալաքի գավառների: Պատերազմի հետեւանքով Ռուսական կայսրությանն անցած Ախալցխիսի գավառից, հատկապես քաղաքներից, մահմեդական բնակչության մի մասը տեղափոխվեց Օսմանյան կայսրության տարբեր

¹¹ Տէս Н. А. Баскаков, Карапахи, или терекеме, и изучение их языка (из материалов по азербайджанским диалектам Армении) // Краткие сообщения Института народов Азии, вып. 65, «Наука», 1964, էջ 27:

¹² Տէս О. Евецкий, նշւ. աշխ., էջ 179. տէս նաեւ П. П. Зубов, Картина Кавказского края, принадлежащего России и сопредельных оному земель в историческом, статистическом, этнографическом, финансовом и торговом отношениях: часть 4, Санкт-Петербург, 1835, էջ 295. տէս նաեւ Թ. ԼՊՈՄՆԱԺՅ, ՆԱԾԵՆԵ-ՃԱՅՆԵՍՈՒ, «ՄԵՅՆԵՐԵՅ», ԵՐԵՎԱՆ, 1975, էջ 332:

¹³ Տէս А. П. Загурский, Этнологическая классификация кавказских народов (Приложение к Кавказскому календарю на 1888 г.), էջ 10–11:

¹⁴ Տէս S. Ersöz, Ahıska'da iki büyük ağız grubu: terakeme ve yerli türk ağız // Uluslararası Türkçe Edebiyat Kültür Eğitim Dergisi Sayı, № 2, 2014, էջ 105–115:

¹⁵ Տէս А. ХАХАНОВ, Месхи (Этнографический очерк) // Этнографическое обозрение, № 3, 1891, էջ 4–5:

¹⁶ Տէս Թ. ԼՊՈՄՆԱԺՅ, նշւ. աշխ., էջ 335:

շրջաններ: Բեկերի զգալի մասը նույնպես նախընտրեց գաղթել Օսմայնյան կայսրություն¹⁷: Բնակչության տեղաշարժի ծավալները բարդ է որոշել: Շոթա Լոմսաձեի գնահատմամբ՝ 1828–1829 թթ. շրջանի բնակչությունը 100 հազարից նվազեց մինչև 45 հազարի¹⁸: Զագուրսկիի կարծիքով՝ գյուղերի բնակիչներից քչերն են արտագաղթել¹⁹:

1829–1830 թթ. էրզրումի վիլայեթից Ախալցխիսի եւ Ախալքալաքի գավառներ տեղափոխվեցին մոտ 7 հազար հայկական ընտանիքներ, որոնց մեծ մասը հաստատվեց Ախալքալաքի, Ախալցխիսի եւ Մալկայի շրջաններում: Որոշ մասն էլ ճանապարհին հաստատվեց Շիրակի ու Փամբակի շրջաններում, ինչպես նաեւ Գյումրիում²⁰: Ախալցխիսի եւ Ախալքալաքի շրջաններում հաստատված հայերի թիվն անցնում էր 20 հազարից: Հարկ է նշել, որ ըստ այդ ժամանակաշրջանի աղբյուրների՝ վերոնշյալ տարածքներում բնակվում էին նաեւ տեղաբնակ կաթոլիկ հայեր, որոնք հիմնականում խոսում էին թուրքերեն: Գաղթական հայերի մեծ մասը Հայ Առաքելական Եկեղեցու հետեւորդներ էին եւ խոսում էին հայերեն²¹: Ա. Մելքոնյանի գնահատմամբ տեղաբնակների թիվն անցնում էր 10 հազարից²²: Օսմանյան կայսրությունից ներգաղթել էին նաեւ մի քանի տասնյակ հույների եւ քրդերի (եզդիների) ընտանիքներ:

1830-ականների տվյալներով՝ Ախալցխիսի գավառի բնակչությունը կազմում էր 70 հազար մարդ, որոնցից 13.500-ը բնակվում էին Ախալցխիսե քաղաքում²³: Գավառի բնակչությունը բաղկացած էր հայերից, վրացիներից, քրդերից, հույներից, գնչուներից, կարափափախներից եւ թուրքերից կամ՝ օսմանցիներից: Բնակչության էթնիկ եւ կրոնական կազմի մասին տեղեկությունները բացակայում են: Առնվազն 25–30 հազարը միայն էրզրումի փաշայությունից գաղթած եւ տեղաբնակ հայերի թիվն էր: Վրացիների փոքր մասն ուղղափառ էր: Մեծ մասը մահմեդականացվել էր թուրքական տիրապետության տարիներին: Նախկինում Ախալցխիսի փաշայությունում հաստատված քոչվոր անասնապահությանը զբաղվող քրդերը սուլնի մահմեդականներ էին: Օ. Եւեցկիի հաղորդմամբ

¹⁷ Сѣн С. С. ЭСАДЗЕ, Историческая записка об управлении Кавказом, т. 1, Тифлис, 1907, էջ 563:

¹⁸ Сѣн Յ. ԼՊԹՅԱԺՅ, նշլ. աշխ., էջ 317–320:

¹⁹ Сѣн А. П. ЗАГУРСКИЙ, Поездка в Ахалцихский уезд в 1872 г., էջ 8:

²⁰ Сѣн Ա. ՄԵԼՔՈՆՅԱՆ, Զավախքը 19-րդ դարում եւ 20-րդ դարի առաջին քառորդին, Երեւան, 2003, էջ 188–189:

²¹ Сѣн О. ЕВЕЦКИЙ, նշլ. աշխ., էջ 180:

²² Сѣн Ա. ՄԵԼՔՈՆՅԱՆ, նշլ. աշխ., էջ 197:

²³ Сѣн О. ЕВЕЦКИЙ, նշլ. աշխ., էջ 27, 179. տե՛ս նաեւ П. П. ЗУБОВ, նշլ. աշխ., էջ 291:

քրդերի մի մասը գաղթել էր էրզրումի վիլայեթից, հանդիսանում էր Հայ Առաքելական Եկեղեցու հետեւորդ եւ խոսում էր քրդերենի խառնուրդով հայերեն²⁴։ Այս տեղեկությունը բավականին հետաքրքրական է, քանի որ դրանից հետո Զավախքում բնակվող Հայ Եկեղեցու հետեւորդ քրդերի մասին տեղեկություններ չկան։ Կարելի է ենթադրել, որ դա եղել է փոքր թվով քրիստոնյա եզդիների համայնք, որը տարրալուծվել է հայերի մեջ։ Այս տեսակետի օգտին կարող է խոսել Զավախքում, մասնավորապես՝ Արագովա (Արագվա) գյուղում հանդիպող Քուրդօղլյան ազգանունը։ Հնարավոր է նաեւ, որ այդ մարդիկ եղել են հայեր, որոնք Արեւմտյան Հայաստանում բնակվել են քրդերի հարեւանությամբ եւ իրենց խոսքում մեծ թվով քրդերեն բառեր էին օգտագործում։

Կարափափախները (թերեքեմենները) Բորչալուից եւ հարակից շրջաններից տեղափոխվել էին Ախալցիխի տարածք։ Ավելի վաղ շրջանում տեղափոխվածները քրդերի նման քոչվորներ էին, իսկ ԺԼ. դարի վերջին եւ ԺԹ. դարի սկզբին հաստատվածները նստակյաց կյանք էին վարում²⁵։ 1840–1846 թթ. Տավրիկյան եւ Վորոնեժի նահանգներից Զավախք արտաքսվեցին «դուխոբոր» աղանդին պատկանող մոտ 4 հազար ռուսազգի գյուղացիներ²⁶։

1840–1850-ականների տվյալների համաձայն՝ Ախալցիխի գավառում բնակչության թիվը նվազել է եւ հասել 48 հազարի²⁷։ Դա կարող է բացատրվել, թերեւս, ինչպես մահմեդական բնակչության շարունակվող արտագաղթով, որի թիվը մոտ 20 հազար էր, այնպես էլ ավելի վաղ հաշվարկների անճշտությամբ։

1864 թ. տվյալներով Ախալցիխի գավառում բնակվում էր մոտ 75,4 հազար մարդ, այդ թվում, 33,8 հազար Հայ Առաքելական Եկեղեցու հետեւորդ (44,8%), 8,7 հազար հայ կաթոլիկ (11,5%), 23 հազար մահմեդական (30,5%), 4,4 հազար ուղղափառ (5,8%), 3,5 հազար ռուս աղանդավոր (4,6%) եւ 1,9 հազար հրեա (2,5%)²⁸։ Գավառի բնակչության կրոնական կազմը մոտավոր պատկերացում է տալիս նաեւ էթնիկ կազմի մասին։ Մահմեդականների մոտ 20 հազարը նշված է որպես

²⁴ О. ЕВЕЦКИЙ, *նշվ. աշխ.*, էջ 180։

²⁵ *Տէս անդ*, էջ 179–180. տես նաեւ П. П. ЗУБОВ, *նշվ. աշխ.*, էջ 292–295։

²⁶ Թ. ԼՐՈԹՆԱԺՅ, *նշվ. աշխ.*, էջ 338։

²⁷ *Տէս* Кавказский календарь на 1851, Канцелярия Кавказского наместника, Тифлис, 1850, էջ 102։

²⁸ *Տէս* Сборник статистических сведений о Кавказе, под ред. И. В. Воронова, т. I, Тифлис, 1869, էջ 15–18.

մահմեդական վրացի²⁹։ Այսպիսով՝ վրացիները շուրջ 24 հազար էին (գավառի բնակչության մոտ 30%-ը), հաշվի առնելով, որ նշված ուղղափառները վրացիներ էին, հետեւաբար մահմեդականները՝ մոտ 3 հազար։

1870 թ. տվյալներով՝ Ախալցխիսի գավառում բնակվում էր 80 527 մարդ³⁰։ Բնակչության էթնիկ կազմը տոկոսներով ներկայացնելիս ունի հետեւյալ պատկերը՝ 48% հայեր (38,6 հազ.), 39,5% վրացիներ (32,6 հազ.), 5,5% ռուսներ (4,4 հազ.), 4% թաթարներ (3,2 հազ.), 2% հրեաներ (1,6 հազ.) եւ 1% քրդեր (մոտ 800 մարդ)³¹։

1873 թ. վիճակագրական տվյալներում տարածաշրջանի բնակչությունը ներկայացված է ըստ Ախալցխիսի եւ Ախալքալաքի գավառների՝ առանձին, որոնց ընդհանուր բնակչության թիվը 93.284 էր։ Այսպես, Ախալցխիսի գավառում բնակվում էր 43.377 մարդ, որից 21 402 «ադրբեջանական թաթարներ» (49,3%), 15.415 հայ (35,5%), 3239 «բառի նեղ իմաստով վրացի» (7,5%), 1972 հրեա (4,5%), 451 քուրդ (1%), 126 ռուս (0,3%), իսկ մնացած 1,9% կազմում էին «հյուսիսային թաթարները», հույները եւ այլ ազգերի ներկայացուցիչները։ Ախալցխիս քաղաքի բնակչության թիվը հասնում էր 13 265 մարդու, որից միայն 10 702-ը ազգությունով հայ էին, 422-ը՝ վրացի³²։ Քաղաքում էին բնակվում նաեւ հրեաների, հույների եւ ռուսների մեծ մասը։ Մահմեդականները եւ վրացիների մեծ մասը բնակվում էին գավառի գյուղերում։

Ախալքալաքի գավառում բնակվում էր 49.909 մարդ, որից 36.163 հայ (72,5%), 5326 ռուս (10,7%), 4404 «ադրբեջանական թաթարներ» (8,8%), 2809 վրացի (5,6%), 292 քուրդ (0,6%), 219 թուրք (0,4%), իսկ մնացած 1,2%-ը կազմում էին հույները, հրեաները եւ այլ ազգերի ներկայացուցիչները³³։

Ի տարբերություն նախորդ տարիների վիճակագրության, 1873 թ. տվյալներում վրացի մահմեդականների մասին տեղեկություններ ներկայացված չեն։ Նրանք թարաքամանների եւ թուրքմենների հետ ընդգրկված են առաջին անգամ կիրառվող «ադրբեջանական թաթարներ» անվան տակ։ «Բառի նեղ իմաստով վրացիներն», ըստ էության, միայն ուղղափառ վրացիներն են, ինչը երեւում է գավառների կրոնական կազմի

²⁹ Տե՛ս անդ, էջ 23։

³⁰ Տե՛ս Сборник сведений о Кавказе, под ред. Н. Зейдлица, т. 2, Тифлис, 1872, էջ 351։

³¹ Տե՛ս Сборник сведений о Кавказе, под ред. Н. Зейдлица, т. 1, Тифлис, 1871, էջ 291։

³² Տե՛ս Сборник сведений о Кавказе, под ред. Н. Зейдлица, т. 7, Тифлис, 1880, էջ XVIII–XXI։

³³ Տե՛ս անդ։

արտացոլող տվյալներից: Ախալցխիսի գավառում բնակվում էր 3418 ուղղափառ: Գավառի վրացիների, ռուսների եւ հուլների ընդհանուր թիվը 3 426 է: Մահմեդական վրացիների թիվը չպետք է գերազանցեր 17-18 հազարը, քանի որ 1870 թ. թաթարների թիվն առանց նրանց 3,2 հազար էր: Բացի այդ, Ա. Խախանովի գնահատմամբ՝ 1873 թ. թարաքամաները կազմել են Ախալցխիսի գավառի բնակչության 3,9%, իսկ թուրքմենները՝ 1,1%-ը³⁴: Հայերի ճնշող մեծամասնությունը կազմում էին Հայ Առաքելական Եկեղեցու հետևորդներ՝ Ախալցխիսում՝ 14 995 եւ Ախալքալաքում՝ 36 163 մարդ: Կաթոլիկ հայերի թիվը Ախալցխիսի գավառում 2 420 է, իսկ Ախալքալաքի գավառում՝ 4991³⁵:

1886 թ. վիճակագրական տվյալներով գավառների ընդհանուր բնակչությունը կազմում էր 122.590 մարդ: Ախալցխիսի գավառում բնակվում էր 58.791 մարդ, որից 23.185 վրացի (39,4%), 16.125 թաթար (27,4%), 15.042 հայ (25,6%), 1266 քուրդ (2,2%), 2641 հրեա (4,5%), 180 ռուս (0,3%), 31 թուրք (0,05%), իսկ 0,6%-ը հուլն, լեհ եւ այլ ազգեր: Վրացիների 14,9 հազարը նշված է որպես մահմեդական: Ախալքալաքի գավառում բնակվում էր 63 799 մարդ, որից 46 384 հայ (72,2%), 6674 ռուս (10,5%), 6091 թաթար (9,5%), 3741 վրացի (5,9%), 694 քուրդ (1,1%), իսկ 0,8%-ը հուլն, գնչու (բոշա), հրեա եւ այլ ազգեր³⁶:

1897 թ. առաջին համառոտագրության մարդահամարի տվյալներով՝ շրջանի բնակչության թիվը կազմել է 141.546 մարդ:

Ախալցխիսի գավառում բնակվում էր 68.837 մարդ, որից 24.137 թուրք (35%), 15.144 հայ (22%), այդ թվում 2577 կաթոլիկ, 12.370 թաթար (18%), 12.213 վրացի (17,7%), այդ թվում 4516 կաթոլիկ, 1313 հուդայական եւ միայն 58 մահմեդական, 2238 ռուս, այդ թվում մալոռուսներն ու բելոռուսները (3,3%), 1396 քուրդ (2%), 446 հրեա (0,6%), իսկ 1,4%-ը լեհ, հուլն եւ այլ ազգեր³⁷:

Ախալքալաքի գավառում բնակվում էր 72.709 մարդ, որից 52.539 հայ (72,3%), որից 6755 կաթոլիկ, 6569 թաթար (9%), 6451 վրացի (8,9%), որից 1 803 կաթոլիկ, 5453 ռուս, այդ թվում մալոռուսներն ու

³⁴ Ску А. ХАХАНОВ, նշւ. աշխ., էջ 5:

³⁵ Ску Сборник сведений о Кавказе, под ред. Н. Зейдлица, т. 7, էջ XXXVIII-XXXIX:

³⁶ Ску Свод статистических данных о населении Закавказского края, извлеченных из посемейных списков 1886 г., Тифлис, 1893, էջ 25-31:

³⁷ Ску Первая всеобщая перепись населения Российской империи 1897 года, т. 69, СПб, 1905, էջ 92-93:

բելոռուսները (7,5%), որից 4414 դուխոբորներ եւ այլ կրոնական շարժումների հետեւորդներ, 810 քուրդ (1,1%), 296 թուրք (0,4%), իսկ 0,8%-ը հրեաներ, լեհեր եւ այլ ազգերի ներկայացուցիչներ³⁸:

Մարդահամարի տվյալներում բնակչության էթնիկ պատկանելությունը որոշվել է նրանց լեզվի հիման վրա, ինչի հետեւանքով էլ նախկինում «մահմեդական վրացիներ» համարվող մարդկանց զգալի մասը գրանցվել է որպես թուրքեր: Այսպիսով, կարող ենք եզրակացնել, որ ԺԹ. դարի վերջում մահմեդական վրացիների մեծ մասը թուրքախոս էր կամ գերադասում էր խոսել թուրքերեն: Նախորդ եւ հաջորդ տարիների հետ համեմատությունը, ինչպես նաեւ հենց մահմեդական վրացիների թուրքերեն խոսելու փաստը թույլ է տալիս ենթադրել, որ «թուրքեր» անվան տակ պետք է հասկանանք մեծ մասամբ մահմեդական վրացիներին, իսկ «թաթարների» անվան տակ՝ թարաքամաներին եւ թուրքմեններին: Չպետք է բացառել, որ թուրքախոսները հայտնվելով թարաքամաների շրջապատում եւ հակառակը, կարող էին հեշտությամբ անցում կատարել օղուզական ծագում ունեցող մի լեզվից մյուսը, ուստի այս թվերը պայմանական են:

Նույն պատճառով էլ բարդ է որոշել հրեաների հստակ թիվը, քանի որ պարզ չէ՝ «հուդայական վրացախոսները» հուդայականություն ընդունած վրացիներ են, թե՞ վրացերեն խոսող «էբրայելի» կոչված հրեաներ: Համեմատելով նախորդ տարիների տվյալների հետ, պարզ է դառնում, որ անցյալում հրեաների թիվը հաշվարկվում էր կրոնի հիման վրա:

Խնդիր է առաջանում նաեւ վրացախոս կաթոլիկների դեպքում, որոնց որոշ վրացի մասնագետներ համարում են կաթոլիկություն ընդունած վրացիներ³⁹, եւ անտեսում այն հանգամանքը, որ բնակվելով վրացական միջավայրում՝ հայ կաթոլիկները կարող էին ժամանակի ընթացքում խոսել վրացերեն, ինչը տեղի է ունեցել Վրաստանի այլ շրջաններում բնակվող հայերի հետ: Բացի այդ, կան որոշ տեղեկություններ, որոնք վկայում են ԺԹ. դարի երկրորդ կեսին կաթոլիկ հայերի մի մասի վրացականացման մասին⁴⁰: Հարկ է նաեւ նշել, որ Ախալքալաքի գավառում բնակվող կաթոլիկների ճնշող մեծամասնությունն ըստ մարդահամարի

³⁸ Տե՛ս անդ, էջ 90-91:

³⁹ Ա. ՍԻՄՎՈՐՅԱՆ, Սամցխե-Ջավախքի վրացացած հայ կաթոլիկները // Գլոբալ ազգային անվտանգություն, № 6 (10), 2009, էջ 27-28. տե՛ս նաեւ Գ. МАМУЛИЯ, Концепция государственной политики в отношении депортированных и репатриированных в Грузию месхов. История и современность. https://www.ca-c.org/journal/cac-02-1999/st_19_mamulija.shtml (22.12.2018):

⁴⁰ Տե՛ս Ա. ՄԵԼԻՔՅԱՆ, նշւ. աշխ., էջ 467-468. տե՛ս նաեւ Ա. ՍԻՄՎՈՐՅԱՆ, նշւ. աշխ., էջ 28:

տվյալների վրացախոս չէ, այլ ներառված է հայերի թվում, ինչը նույնպես նրանց վրացական ծագման վարկածի դեմ է:

1914 թ. վիճակագրական տվյալներով՝ երկու գավառների բնակչության թիվը հասել է 200.921: Ախալցխիսի գավառում բնակվում էր 95.975 մարդ, որից 50.851 մահմեդական (53%), 27.149 հայ (28,3%), 7893 վրացի (8,2%), 3627 հրեա (3,8%), 1993 քուրդ (2%), 800 ռուս (0,8%) եւ այլ ազգերի ներկայացուցիչներ: Ախալքալաքի գավառի բնակչությունը կազմել է 104.946 մարդ, որից 81.014 հայ (77,2%), 7185 ռուս (6,8%), որից 6891 այլ կրոնական ուղղությունների հետևորդներ, 6 905 վրացի (6,6%), որից միայն 135 մահմեդական վրացի, 5839 մահմեդական (5,6%), այդ թվում 4586 շիա, 731 քուրդ (0,7%) եւ այլ ազգերի ներկայացուցիչներ⁴¹: Այս տվյալներով էական աճ է գրանցվել գրեթե բոլոր ազգերի մոտ: Վրացիների թիվը կրկին ցույց է տալիս միայն ուղղափառության հետևորդներին:

Ախալքալաքի գավառում բնակվող «մահմեդականներն», ըստ էության, մեծ մասամբ հենց թարաքամաներն ու թուրքմեններն են: Այդ են վկայում գավառի մահմեդականների մեծ մասի շիա լինելը: Օսմանյան իշխանության տարիներին մահմեդականացած ժողովուրդները սուննիներ էին: Իսկ Պարսկաստանի նախկին տարածքներից տեղափոխված թարաքամաները՝ շիաներ:

1926 թ. համախորհրդային մարդահամարի տվյալների համաձայն՝ երկու գավառների բնակչության ընդհանուր թիվը կազմել է 175.900 մարդ: Ախալցխիսի գավառում բնակվում էր 96.973 մարդ, այդ թվում՝ 49.170 «թյուրք» (50,7%), 24.353 վրացի (25,1%), 15.565 հայ (16,1%), 3094 քուրդ (3,2%), 1678 ռուս (1,7%), 1045 ուկրաինացի (1,1%), 942 հրեա (1%), այդ թվում՝ 839 վրացական հրեա, 586 օսմանյան թուրք (0,6%): Բնակչության 0,5%-ը կազմում էին հույները, լեհերը եւ այլ ազգերի ներկայացուցիչները: Հարկ է նշել, որ վրացիներից 11.658 մարդ, այսինքն վրացական բնակչության շուրջ 12%-ը, թուրքախոս էր:

Ախալքալաքի գավառում բնակվում էր 78 937 մարդ, այդ թվում՝ 57.791 հայ (73,2%), 7565 վրացի (9,6%), 6940 «թյուրք» (8,8%), 2679 ուկրաինացի (3,4%), 2492 ռուս (3,2%), 930 քուրդ (1,2%) եւ 0,6% այլ ազգերի ներկայացուցիչներ⁴²:

⁴¹ *Скв* Кавказский календарь на 1915 г., Канцелярия Кавказского Наместника, Тифлис, 1915, էջ 242-245:

⁴² *Скв* Всесоюзная перепись населения 1926 г., т. 14, Москва, 1929, էջ 84-91:

1897 թ. մարդահամարի տվյալների համեմատ՝ «Թյուրքեր»-ի էլ թիվը, էլ տեսակարար կշիռը կտրուկ ավելացել է, ինչը պայմանավորված է նաեւ նրանով, որ «Թյուրքեր» անվան տակ նախկին «Թաթարների», թարաքամաների, կարափափախների, թուրքմենների, թուրքերի (օսմանյան թուրքերի) եւ մահմեդական վրացիների հետ ներառվել են այլ թուրքախոս խմբեր: Վրացիների թիվը 1897 թ. համեմատ նվազել է վրացախոս հրեաներին եւ հայ կաթոլիկներին չներառելու պատճառով: Ախալքալաքի գավառում հայերի թիվն ավելացել է 1897 թ. մարդահամարի տվյալների հետ համեմատած, սակայն կտրուկ նվազել է 1914 թ. տվյալների դիմաց: Դա Առաջին աշխարհամարտի տարիներին թուրքական զորքերի ներխուժման, հայերի կոտորածների եւ ռազմական գործողությունների հետեւանքն էր⁴³:

Ախալքալաքի գավառում բնակվող նախկին ռուսների մոտ կեսը նշված է որպես ուկրաինացի, ինչը, ենթադրաբար, կապված է նրանց մինչ աքսորը բնակություն վայրի (Տավրիկյան եւ Վորոնեժի նահանգների) հետ:

1939 թ. համախորհրդային մարդահամարի անցկացման ժամանակ Սամցխեի եւ Զավախքի վարչատարածքային բաժանումն արդեն փոխվել էր: Նախկին Ախալցխեի եւ Ախալքալաքի գավառների փոխարեն ներկայացված են Ադիգենի, Ախալցխեի, Ասպինձայի, Ախալքալաքի եւ Բոգդանովկայի շրջանների տվյալները: Ադիգենի շրջանը, Ախալցխեի շրջանը եւ Ասպինձայի շրջանի մեծ մասը նախկինում կազմում էին Ախալցխեի գավառը, իսկ Ախալքալաքի ու Բոգդանովկայի շրջանները՝ նախկին Ախալքալաքի գավառը: Նախորդ տարիների հետ համեմատություն անցկացնելու նպատակով այդ շրջանների բնակչությունը կհաշվենք միասին: Այսպես, Ադիգենի, Ախալցխեի եւ Ասպինձայի շրջանների բնակչության ընդհանուր թիվը կազմում էր 129.448 մարդ, որից 82 947 «ադրբեջանցի» (64%), 19.137 հայ (14,8%), 17.802 վրացի (13,8%), 3472 քուրդ (2,7%), 3112 ռուս (2,4%), 1050 հրեա (0,8%), 644 ուկրաինացի (0,5%) եւ մնացած 1%՝ հույն եւ այլ ազգերի ներկայացուցիչներ: Նշենք, որ հայերի մեծ մասը՝ 16.454 մարդ, բնակվում էր Ախալցխեի շրջանում:

Ախալքալաքի եւ Բոգդանովկայի շրջաններում բնակվում էր 99.230 մարդ, որից 81.457 հայ (82,1%), 6 964 ռուս (7%), 5024 «ադրբեջանցի»

⁴³ Տէս Ա. ՄԵԼՔՈՆՅԱՆ, նշւ. աշխ., էջ 272-285:

(5,1%), 4950 վրացի (5%), 386 քուրդ (0,4%) եւ 0,9%-ը՝ հույներ, հրեաներ եւ այլ ազգերի ներկայացուցիչներ⁴⁴:

1939 թ. մարդահամարը նախորդ երկու մարդահամարների հետ համեմատած ավելի սահմանափակ տեղեկություն է հաղորդում: Քրդերից բացի շրջանների բոլոր մահմեդականներին գրանցել են որպես «ադրբեջանցիներ»:

Այսպիսով, հանրագումարի բերելով վերը շարադրած նյութը, կարելի է հանգել հետևյալ եզրակացության (տե՛ս աղյուսակներ № 1 եւ № 2):

Ինչպես տեսնում ենք, Ախալցխիսի գավառում մահմեդականների (ժամանակակից մեսխեթցի թուրքերի) ընդհանուր թիվը 1873-1939 թթ. ընթացքում 21,4 հազարից հասել է շուրջ 83 հազարի, իսկ տեսակարար կշիռը 48,9%-ից 64,1%-ի: Ոչ մահմեդական վրացիների թիվը նույնպես էական աճ է գրանցել՝ 3,2 հազարից հասնելով 17,8 հազարի: Աճել է նաեւ նրանց տեսակարար կշիռը, 7,5%-ից հասնելով 13,8%-ի: Հայերի թիվը Ախալցխիսի գավառում համեմատաբար կայուն էր եւ կազմում էր մոտ 15,5 հազար մարդ՝ աճ գրանցելով միայն վերջին տարիներին: Սակայն, այլ էթնիկ խմբերի բնակչության թվի աճի պայմաններում, հայերի տեսակարար կշիռը շարունակաբար նվազել է՝ 35,5%-ից հասնելով 14,8%-ի: Ախալցխիսի գավառում ուսները մեծ թիվ չեն կազմել, իսկ նրանց թվի տատանումը եւ սեռային կազմը թույլ է տալիս եզրակացնելու, որ նրանք մեծ մասամբ զինվորականներ եւ պաշտոնյաներ էին, որոնք մշտական բնակիչներ չէին: Քրդերի մոտ գրանցվել է կայուն բնական աճ, իսկ հրեաների թիվը շարունակաբար նվազել է:

Ախալքալաքի գավառում նույն ժամանակահատվածում թաթարների թիվը տատանվել է 4,4 հազարից մինչեւ 6,9 հազարի, իսկ տեսակարար կշիռը 8,8%-ից նվազել մինչեւ 5,1%: Վրացիների թիվը 2,8-7,5 հազարի սահմաններում է տատանվել, իսկ տեսակարար կշիռը՝ 5%-9,6%: Հայկական բնակչության թիվը կայուն աճ է գրանցել՝ 36,1 հազարից հասնելով մոտ 81,4 հազարի, իսկ հայերի տեսակարար կշիռը 72,5%-ից հասել է 82,1%-ի: Ռուսների թիվը տատանվում էր 5-7 հազարի սահմաններում: Նրանց տեսակարար կշիռն էլ 10,7%-ից նվազել է մինչեւ 7%: Քրդերի թիվը եղել է աննշան:

⁴⁴ Статистическая перепись населения 1939 года. Национальный состав населения районов, городов и крупных сел союзных республик СССР, http://www.demoscope.ru/weekly/ssp/ussr_nac_39_ra.php?reg=777 (05.01.2019):

Աղյուսակ N^o 1: Ախալցխի բնակչության կազմը 1873-1939 թթ.

Տարեթիվը	Ընդամենը	Հայեր	Վրացիներ	Մանվ. վրացիներ	Թաթարներ ¹	Քրդեր	Ռուսներ	Հրեաներ	Այլ ազգեր
1873 թ.	բնակչության թիվը / մարդ / %	15415	3239	19000	2200	451	126	1972	1974
		35,5	7,5	43,8	5,1	1,0	0,3	4,5	2,2
1886 թ.	բնակչության թիվը / մարդ / %	15042	8285	14900	16125	1226	180	2641	392
		25,6	14,1	25,3	27,4	2,1	0,3	4,5	0,7
1897 թ.	բնակչության թիվը / մարդ / %	15144	10900 ²	24137 ³	12370	1396	2238	1759 ⁴	893
		22,0	15,8	35,1	18,0	2,0	3,3	2,6	1,3
1914 թ.	բնակչության թիվը / մարդ / %	27149	7893	-	50851	1993	800	3627	3662,0
		28,3	8,2	-	53	2,1	0,8	3,8	3,8
1926 թ.	բնակչության թիվը / մարդ / %	15565	24353	-	49170	3094	1678 ⁵	942	2171
		16,1	25,1	-	50,7	3,2	1,7	1,0	2,2
1939 թ.	բնակչության թիվը / մարդ / %	19137	17802	-	82947	3472	3112	1050	1928
		14,8	13,8	-	64,1	2,7	2,4	0,8	1,5

¹ Այս անվանումը պաշտոնական է և 1873-1897 թթ. ընթացքում գլխավորապես թարաքամաներին է ներառում: Հետագա տարիներին նաև նրանց թվում են մահմեդական վրացիները, քանի որ վիճակագրական տվյալները թույլ չեն տալիս հաշվարկելու նրանց թիվը:

² Այդ թվում՝ վրացախոս կաթոլիկները:

³ Սա շրջանի «Քուրդերի», ալիքն՝ թուրքախոս մահմեդականների թիվն է, որոնք ի տարբերություն «թաթարների», խոսում էին թուրքերենի արեւելյան բարբառներից մեկով:

⁴ Վրացախոս հուդայականները ներառվել են հրեաների ցանկում, ինչպես մյուս տարիների տվյալներում:

⁵ Այստեղ ներառված են միայն ուսանողների թիվը, առանց ուկրաինացիների և բելուսներին:

Աղյուսակ N^o 2: Ախալքալաքի գավառի բնակչության կազմը 1873–1939 թվականներին.

Տարեթիվը	Ընդամենը	Հայեր	վրացիներ	թաթարներ ¹	ֆրդեր	Խուսներ	Այլ ազգեր
1873 թ.	բնակչու- թյան թիվը / մարդ / %	49909	36163	2809	4404	5326	915
		100	72,5	5,6	8,8	10,7	1,8
1886 թ.	բնակչու- թյան թիվը / մարդ / %	63799	46384	3741	6091	6674	215
		100	72,7	5,9	9,5	10,5	0,3
1897 թ.	բնակչու- թյան թիվը / մարդ / %	72709	52539	6451 ²	6569 ³	5453	887
		100	72,3	8,9	9,0	7,5	1,2
1914 թ.	բնակչու- թյան թիվը / մարդ / %	104946	81014	6905	5839	7185	3272,0
		100	77,2	6,6	5,6	6,8	3,1
1926 թ.	բնակչու- թյան թիվը / մարդ / %	78937	57791	7565	6940	5171 ⁴	540
		100	73,2	9,6	8,8	6,6	0,7
1939 թ.	բնակչու- թյան թիվը / մարդ / %	99230	81457	4950	5024	6964	449
		100	82,1	5,0	5,1	7,0	0,5

¹ Այս գեպքում թաթարների թիվը գլխավորապես ներառում է թաթարամաներին:

² Այդ թիվում վրացախոս կաթոլիկները:

³ Ներառված չեն 296 «թուրքերը», որոնք, ըստ էության, մասնեղականացած վրացիներն էին:

⁴ Այդ թիվում՝ որպես ուկրաինացի գրանցված գուխորներին մի մասը:

Ամփոփելով վերոնշյալը՝ կարող ենք փաստել, որ Սամցխեում ու Զավախքում օսմանական տիրապետության հաստատումից առաջ բնակչությունը գերազանցապես բաղկացած էր հայերից ու վրացիներից: Օսմանյան տիրապետության շրջանում տեղի ունեցավ բնակչության մահմեդականացում: Մինչեւ ժէ. դարի վերջը բնակչության էթնիկ կազմը պահպանվում էր, սակայն նրանց տոկոսային հարաբերակցության մասին դատել չենք կարող: Հաշվի առնելով, որ այնտեղ մեծ թվով հայեր էին բնակվում, կարող ենք ենթադրել, որ նրանց մի մասը նույնպես մահմեդականացվեց եւ հետագայում մասնակցեց մեսխեթցի թուրքերի էթնոկրոնական խմբի ձեւավորման գործընթացին: Թե ինչքան է եղել նրանց թիվը, եւ ի՞նչ ազդեցություն են ունեցել նրանք այդ գործընթացում, աղբյուրները չեն հաղորդում: Հայերի եւ վրացիների մի մասը կարողացել է պահպանել իր ինքնությունը եւ հավատքը, թեեւ կազմել է բնակչության համեմատաբար փոքր թիվը:

Օսմանյան տիրապետության շրջանում բացի տեղի բնակչության մահմեդականացումից, նաեւ այլ մահմեդական խմբերի ներգաղթ է եղել, ինչն էլ նպաստել է բնակչության հաղորդակցության լեզվի փոփոխությանը: Նման խմբերն են եղել Օսմանյան կայսրության կենտրոնական շրջաններից եկած թուրքերը, ինչպես նաեւ թարաքամաները, թուրքմենները եւ քրդերը:

Ռուսական տիրապետության հաստատման արդյունքում՝ մահմեդական բնակչության մի մասը տեղափոխվեց օսմանյան կայսրություն: Արեւմտյան Հայաստանից տեղի ունեցավ հայերի եւ հույների ներգաղթ: Հարկ է նշել, որ հայերի ներգաղթն ընդամենը համալրեց շրջանի հայկական բնակչության թիվը, այլ ոչ թե «հայկականացրեց» այն: Գլխավոր տարբերությունը տեղի եւ գաղթական հայերի միջեւ դավանանքն էր: Գաղթականները Հայ Առաքելական Եկեղեցու հետեւորդներ էին, իսկ տեղի հայերի զգալի մասը մահմեդականացումից խուսափելու համար ընդունել էր կաթոլիկություն: Նման միտում է նկատվում նաեւ վրացիների մոտ, սակայն ավելի փոքր ծավալով: Հետագա տարիներին հայերը կազմեցին Ախալքալաքի գավառի բնակչության հիմնական մասը, իսկ Ախալցխի թեմի գավառում նրանց տեսակարար կշիռը հետզհետե նվազեց:

Վիճակագրական տվյալների վերլուծությունից երեւում է, որ Սամցխեում եւ Զավախքում բնակվող մահմեդականները, որոնք հետագայում կազմեցին մեզ հայտնի մեսխեթցի թուրքերի էթնոկրոնական խումբը,

մեկ դարի ընթացքում բնակչության 1/5 մասից կազմեց նրա 2/5 մասը: Այդ գործընթացում մասնակցություն ունեցան մահմեդական վրացիները, թարաքամները, թուրքմենները, թուրքերը եւ հայերը: Թարաքամները եւ թուրքմեններն ընդհանուր առմամբ կազմել են նրանց մոտ 1/3 մասը: 2/3-ում գերակշռում են մահմեդական վրացիները: Թուրքերը եւ օսմանյան տիրապետության տարիներին մահմեդականացած հայերը նույնպես մտել են մահմեդական վրացիների թվի մեջ, սակայն նրանց թիվը պարզել հնարավոր չէ:

РЕЗЮМЕ

В данной статье изучается этнический и религиозный состав населения исторических регионов Самцхе и Джавахк и демографические изменения в промежутке времени с установления османской власти в конце XVI века до 1939 года. С этой целью детально представлены и анализированы данные переписей, а так некоторых важных источников, отражающих этнический и религиозный состав населения. Используются так же и другие источники, которые сообщают косвенные данные о населении указанных территорий.

SUMMARY

This article examines the ethnic and religious composition of the population of historical regions Samtskhe and Javakheti and demographic changes in the period from the late 16th century, when those regions were conquered by the Ottomans, to 1939. For this purpose, census data, as well as some important sources reflecting the ethnic and religious composition of the population are presented and analyzed in detail. Other sources that provide indirect data on the population of these territories are also used.

